



XALQ DEPUTATLARI BULUNG'UR TUMAN KENGASHINING Q A R O R I

17. fevral 2021-yil

135/24 -son

Bulung'ur tuman Adliya bo'limi faoliyatining 2020 yil davomida amalga oshirilgan ishlari to'g'risida

O'zbekiston Respublikasi Prezidentining 2018-yil 13-apreldagi "Davlat huquqiy siyosatini amalga oshirishda adliya organlari va muassasalari faoliyatini tubdan takomillashtirish chora-tadbirlari to'g'risida"gi PF-5415-sonli Farmoni hamda O'zbekiston Respublikasi Prezidentining 2018-yil 13-apreldagi "O'zbekiston Respublikasi Adliya vazirligi faoliyatini yanada takomillashtirishga doir tashkiliy chora-tadbirlar to'g'risida"gi PQ-3666-sonli qarori ijrosini ta'minlash maqsadida xalq deputatlari tuman Kengashi 24-sessiyasi

QAROR QILADI:

1. Tuman Adliya bo'limi boshlig'i G'.Yakubovning tuman Adliya bo'limining 2020-yil davomida amalga oshirilgan ishlari to'g'risidagi axboroti ma'lumot uchun qabul qilinsin.

2. Tuman Adliya bo'limi (G'.Yakubov)ga:

keng ko'lamdagi islohotlarni amalga oshirish bo'yicha qabul qilinayotgan qaror va qonunlarning mazmun-mohiyati bilan barcha turdagi korxona va tashkilot xodimlariga, aholiga tanishtirish, hamda ularni amaliyotda qo'llanishiga ko'maklashish va nazorat qilish choralari belgilash;

"Prezident qarorlari-hayotda va nazoratda" degan mavzuda "Bulung'ur hayoti" gazetasi bosh muharriri (G'.O'rolov) ga alohida rukn tashkil etish va unda adliya bo'limi tomonidan olib borilayotgan targ'ibot, tushuntirish ishlarini keng yoritilishiga erishish;

aholining barcha qatlamlari, ayniqsa yoshlar o'rtasida korrupsiyaga qarshi murosasiz kurashish madaniyatini shakllantirish bo'yicha tizimli ishlari belgilansin.

3. Tuman Adliya bo'limi (G'.Yakubov)ga:

tumandagi bo'lim va tashkilotlarda qabul qilinayotgan huquqiy me'yoriy-hujjatlarni qo'llash masalalari bo'yicha huquqiy maslahatlar amaliyotiga muntazam e'tibor qaratish;

tuman hokimligida qabul qilinadigan qaror va farmoyishlarda mavjud qonun buzilish holatlari, hujjatlarda uchraydigan kamchiliklar yuzasidan amaliy tavsiyalar ishlab chiqib, xodimlar ishtirokida muntazam ravishda seminar o'tkazish tizimini yo'lga qo'yish;

davlat organlari va tashkilotlarning tuman tuzilmalarining qonunlar va boshqa normativ-huquqiy hujjatlar ijrosini tashkil etish faoliyatiga uslubiy rahbarlik qilish va muvofiqlashtirish;

tumandagi sektorlar rahbarlari (B.Baxramov, S.Saidov, B.Jo'raqulov, Sh.Eshmuradov) bilan birgalikda:

muntazam qabul qilinayotgan normativ-huquqiy hujjatlarning mazmun-mohiyati va ahamiyatini ijrochilarga etkazish, aholining huquqiy savodsizligiga barham berish borasida, shu jumladan huquqni muhofaza qiluvchi va sud idoralari bilan hamkorlikda chora-tadbirlarni amalga oshirish;

tuman Aholi bandligiga ko'maklashish markazi direktori (B.Bosimov), tuman maktabgacha ta'lim tashkiloti boshlig'i v.v.b (D.Axmedov), tuman xalq ta'limi bo'limi boshlig'i (Z.Aliqulova), tuman hokimligi Obodonlashtirish boshqarmasi boshlig'i (S.Sharipov) bilan birgalikda:

1 hafta muddatda tumandagi maktabgacha ta'lim tashkilotlarida, o'rta ta'lim maktablarida boshqa davlat organlari hamda tashkilotlarida Mehnat qonunchiligiga, xodimlar bilan tuzilgan mehnat shartnomasi talablariga rioya qilish, xodimlarni rag'batlantirish va amalga oshirilgan ishlarni muntazam o'rganish, tahlil qilish choralarini ko'rish;

bir oylik muddatda davlat organlari va tashkilotlarining kadrlar bo'limi xodimlarining ishlari holatini monitoring qilish, shuningdek, ularning yuridik xizmatlari faoliyatini muvofiqlashtirish, nazorat qilish va metodik ta'minlash vazifalari yuklatilsin.

4. Tumandagi barcha bo'lim va tashkilotlar rahbarlariga:

O'zbekiston Respublikasining "Jismoniy va yuridik shaxslarning murojaatlari to'g'risida"gi qonuni asosida kelib tushgan barcha turdagi murojaatlarga o'z vaqtida javob xati yuborishini ta'minlash;

qabul qilingan huquqiy-me'yoriy hujjatlarda mavjud qonun buzilish holatlari bo'yicha tuman adliya bo'limi tomonidan yuborilgan taqdimnomalari hamda tavsiyalarga qat'iy rioya etilishini ta'minlash vazifalari topshirilsin.

5. Mazkur qaror bajarilishini nazorat qilish tuman Kengashining “Qonuniylikni ta’minlash va korrupsiyaga qarshi kurashish masalalari bo’yicha doimiy komissiyasi”(T.Radjabov) zimmasiga yuklatilsin.

Kengash raisi



B.Baxramov